


Lossenummers f 0.30.

WEZAK NUMMER. Met 1939.

No. 56.

Taon ka 6.



SAM KAUW GWAT PO

Orgaan dari Batavia Buddhist Association, Sam Kauw Hwe Batavia,
Menado dan Telokbeteng.

ISINJAINI NUMMER:

KARAJA'AN WEZAK DI KLENTENG KWAN IM TONG, BATAVIA,
dengen doea gambaran.

KENAPA KITA ORANG RAJAKEN INI HARI WEZAK, oleh K. T. H.
KARAJA'AN WEZAK DI BATAVIA, lezing-lezing oleh Njonja Tjoa
Hin Hoeij, Toean M. Kadiroeji Mangoenpoernomo, Toean R.
Spekirlan Poespadibrata, Mr. Nanda Lal Pudji, Mr. E. E. Power.

KARAJA'AN WEZAK DI SINGAPORE.

SOERAT SOERAT DARI BHIKKHU NARADA.

KARAJA'AN WEZAK DI BOROBOEDOER, Oleh Oei Thiem An.

BOEKHANDEL „MOESTIKA” POENJA PENER-
BITAN PALING BAROE
PAKOEMPOELAN SALIB MAWAR
(Rozenkruis)
DAN TOEDJOEANNJA.

Sadarl beberapa abad jang laloe di Europa ada kada petan
simpatijem pergerakan gaib jang bersfat resia, dan terkenal sabagi
pakoempoelan atawa Kasem Salib Mawar (Rozakruiser, Rosicru-
cian) jang dalem boekos-boekoena ada banjak dijeritaken hal
ilmoe ilmoe gaib jang meugheranken.

Itoe pergerakan, jang seedad mendjalaat ka baujak Nagian
doenia, sampe sekarang masih berdjalan teroes, tapi terpetjab
mendjadi beberapa pakoempelan jang berdiri sendiri, sedeng di
Sao Jose, California, Amerika Sariket, ada satoe pakoempoelan
jang terkenal dengan nama AMORC, ringkesan dari The Ancient
and Mystical Order Rosae Crucis (Persoedaraan jang Koen dan
Gaib dari Salib Miwar) jang starken pamphlet dan circulair ka
ntero doenia (teritoeng djoega Indonesia) akés studioria orang
boeat masoek djadi lid atawa ambit less dengan djalan soerat-
menjoerat, serta merawarkan boekoe-bokee dan madjallah-ma-
djallah jang itoe pakoempoelan terbitke.

Sekarang dalem ini boekoe ada diberi keterangan tentang isi
pakoempoelan soepaja orang tida gegabah lantes masoek djadi lid
tjoemah lentaran ketarik sama propaganda dan poedji-poedjian
jang sanget metloek. Boekan sadja dibébér tentang toedjoeannja
AMORC jang sabenernu, tapi djoega maksoed dan pakerdja'an
dari kaeser Salib Mawar jang toelen sadasi di zaman koens, de-
ngan berdasar atas keterangan dari fihak Thosofie dia laen-laen
soember.


Isinja itoe boekoe ada seperti di bawah ini :

- I. Rosicrucianisme menderoet katerangannja AMORC.
- II. Apa jang AMORC djandijken boeat ledennja.
- III. Keterangan dari soember Thosofie : Siapakah Christian
Rosenkreuz ?
- IV. Toedjoean jang diresiaken.
- V. Pengartian Tinggi dan Gaib.
- VI. Artiannuja itoe symbool Salib dengen Boenga Roos Dadee.

Tebelnja ini boekoe ada 220 pagina, model zak formaat,
hargaaja

f 0,60


BOEKHANDEL „MOESTIKA” Tjitjodroeg.



KARAJA'AN WEZAK DI KWAN IM TONG, BATAVIA.

Pemandangan di moeka altaar sabelah dalam dimana oca dtdjalanken oepatjara sembahjang dengan dipimpin oleh tiga hweshio dari Kleneng Lam Hoa Sie.

Lantaran tjoetnja tempat maka tjoemah sedikit orang bisa toeroet dipotret dan kibanjakan ada terdiri dari orang-orang jang gemer perhatiken pelajaran Buddha dan penoendjang jang setia dari Batavia Buddhist Association.



KARAJAAN WEZAK DI KWAN IM TONG.

Pemandangan di roangan mbeka dari itoe krenteng koetika Mr. Nanda Lal Punj (berdiri di pinggir tiang sabelah kanan) lagi batjaken lezingnya, jang di Melajoeken oleh Toeant Kwee Tek Hoaij (berdiri di kiri), dibelakang siopaada berdiri Njonja Tjoa Hin Hoeij dan Mr. E. E. Power.

Di mana kaen penoetoep altaar di tengahada digantoengken itoe Bendera Buddhist jang Nj. Tjoa Hin Hoeij bawa dari Singapore, pemberiannja Bhikkhu Mahaweedra.

Sam Kauw Gwat Po.

三教月報

ORGAN DARI BATAVIA BUDDHIST ASSOCIATION,
SAM KAUW HWE BATAVIA MENADO,
DAN TELOKBETONG.

ISINJA INI MAANDBLAD ADA DIOERO^G DAN DITANG-
GOENG OLEH REDACTIE „MOESTIKA DHARMA.”

Harga abonnement per kwartaal f 0,75. Pembajaran dimoeka.
Kaloë berlangganan dirangkep sama Moestika Dharma atawa
Moestika Romans boeat ini maandblad tjoemah tambah per-
kwartaal f 0,50. Harga advertentie boleh berempoek.

Kantoor Redactie Administratie: Tjitjoeroeg, Preanger.

Kenapa kita-orang Rajaken ini Hari Wezak.

Pidato pemboeka'an koetika diadaken pertemoean besar dalem krenteng Kwan Im Tong boeat merajaken hari Wezak pada tuggal 3 Mei 1939, 14 Shagwee 2490, djam 8½ sore.

OLEH K. T. H.

Soedara-soedara,

Dengen ini malem djadi soedah *anem kalih* kita-orang berkoempoel disini pada saban boelan Mei koetika remboelah sedeng poernama, tjoetjok dengan boelan Hindoe Wezak, boeat peringetken beberapa kadjadian penting dari Buddha, jaitoe hari kalahiran, hari mendapet wajhoe atawa penerangan, dan hari berlaloe dari ini doenia kasar aken masoek ka Pari Nirwana.

Ini matjem peringatan boekan tjoemah dirajaken disini sadja. Pada ini malem, di ini djam, di Boroboe-doer ada berkoempoel ratoesan orang dari roepa-roepa bangsa boeat memoeliaken dan memoedji pada Bud-

dha di bawah sinarnja remboelan, atas tingkatan paling tinggi di sapoeternja dagoba dari itoe tempel Buddhist jang paling koeno, paling besar dan paling indah di poelo Java.

Djoega brangkalih dalem beberapa lodji dan centrum dari Pakoempoelan Theosofie, pada ini malem diadaken perhimpoenan boeat peringetken ini hari Wezak jang dalem negri-negri Buddhist Selatan ada dipandang sabagi hari raja jang paling penting.

Djadinya boekan tjoemah pakoempoelan Batavia Buddhist Association, jang toedjoeannja melooloe boeat bantoe menjiarken pelajaran Buddha, soedah bikin ini karaja'an, hanja itoe peringetan diadaken djoega oleh laen-laen pakoempoelan jang tida tjoemah perhatiken Buddhisme sadja, seperti pakoempoelan Theosofie.

Kenapa kita-orang rajaken ini maleman Wezak, tadi saja soedah terangken, jaitoe boeat peringetken beberapa kadjadian dalem penghidoepannja Buddha. Tapè peringetan boeat memoeliaken kadjadian-kadjadian jang penting dalem penghidoepannja satoe Goeroe Besar, Nabi, Seng-djin, Djoeroe Selamet atawa Rasael Allah, tida saberapa artinja djikaloe salagi hidoepnja itoe Orang Soetjt tida lakoeken apa-apa jang betoel-betoel mendatengken kabaekan bagi doenia dan kaselametan pada manoesia.

Apa jang Buddha adjar soedah diterangken dalem banjak boekoe dan disalin ka dalem banjak bahasa; dalem ini krenteng ada tersedia satoe koempoelan boekoe-boekoe kapoenja'annja bibliotheek Sam Kauw Hwe, kabanjakan terdiri dalem bahasa Melajoe, jang orang bisa dapet batja djikaloe maoe taoe tentang Buddha dan peladjarannja. Djoega ini malem, Soedara Power sabentar nanti bitjara boeat menerangken „Peladjaran Buddha dan Doenia Zaman Sekarang.“ Salaennja itoe, ada beberapa sprekers jang bakal bl-

KENAPA KITA RAJAKENINI HARI WEZAK.

tjarain satoe dan laen hal jang berhoeboeng dengen Buddha dan peladjarannja. Bagi siapa jang ingin taro perhatian lebih loeas, satiap minggoë satoe kalih, saban hari Kemis sore djam 8, kita-orang adaken lezing-lezing dalem ini krenteng jang berhoeboeng dengen Buddhiëme dan Theosofie, pada waktoe mana orang boleh madjoeken djoega roepa-roepa perlanja'an. Makka di inti malem, berhoeboeng dengen tjiotjina tempo, saja tida bitjara tentang pelajaran Buddha poenja azas atawa pokò dasar, hanja saja maoe terangken sadja, bahqea sifatnja itoe pelajaran ada begitoe noepa hingga bisa digoenaken dalem segala zaman, oleh segala bangsa dan dalem segala negri.

Apa jang Buddha adjar ada satoe atoeran hidoepr boeat bikin marika jang mondjalanken dengen soeng-goe hati bisa dapetken kabebasan dan katentreman kekel. Boeat dapetken itoe kaberoentoengan, itoe kabekahan dari pelajaran Buddha, orang haroes goenaken pengartian boeat mengenal pokò dan soember dari manoesia poenja kasangsara'an dan kasedihan, dengen ditjotjokin sama perdjalan dan pengalaman, sebab tida ada pelajaran jang begitoe djetas dan gampang dimengarti seperti jang didapet dari *pengalaman sendiri*.

Dalem agama Buddha tida ada kapertjaja'an boeat menoeroet perentah atawa atoeran dengen memboeta. Buddha malah bilang pada moerid-moeridnya, djangan pertjaja apa jang ia bilang, hanja moesti timbang dan pikir sendiri dan bandingken itoe sama pengalaman; kaloe dirasa tjotjok dan baek, boleh djalanken; kaloe tida setoedjoe, traesah. Dengan menimbang dan memikir sendiri, masing-masing orang nanti bisa dapet itoe Kabeneran atawa Dharmma. Buddha tida perna tondjoën dirinja seperti satoe Goeroe atawa Nabi jang segala pengadjaran atawa atoerannja koedoe ditoeroet, hanja berlakoe sadja sabagi satoe penoendjoek **djalanan**

boeat manoesia dapetken itoe katentreman kekel. Aken sampeken itoe toedjoean, masing-masing orang moesti berdaja dengen tenaganja sendiri.

Menoeroet Buddhism, itoe Dharma atawa Kabeneran boekan diampoenai oleh kaoem Buddhist sadja, hanja terdapat djoega pada segala agama atawa peladjaran jang menoedjoe pada kaselametan. Saorang Islam, Hindoe, Kristen atawa Khong Kauw, djikaloe menoentoet penghidoepan jang tjotjok dengen itoe Kabeneran, marika poen nanti bisa sampeken itoe Kabebasan dan Katentreman Kekel. Maka segala orang, tida perdoeli agama apa sadja jang ia anoet, djikaloe dengen soenggoe hati hendak mentjari kabeneran, katentreman dan kabebasan hidoep, ia poen boleh peladjarin apa jang Buddha oendjoeck, zonder koedoe toeker agama boeat mendjadi Buddhist. Kita poenja pakempoelan Batavia Buddhist Association diberdiriken boekan boeat tjari penganoet, boekan boeat tjari lid — sebab kita tida perna adaken contributie, atoerati-atoeran dan laen-laen kamoestian — hanja toedjoean kita tjoemah boeat bantoe *oendjoeokin djalan*, pada siapa jang ingin dapetken katentreman, dengen berdasar atas apa jang Buddha telah adjar.

Oleh kerna itoe maka boeat ini karaja'an Wezak kita mengondang segala orang, segala bangsa, dan dari segala golongan agama, boeat toeroet hadlir, dengan tida mengenal perbedaan satoe dari laen. Kita poenja toedjoean, dengen bikin ini pertemoean satiap taon, ada boeat peringetken pada itoe Goeroe Besar jang peladjarannja, kita pertjaja, ada amat bergenaa boeat kaselametan sekalian manoesia rata-rata.

Dalem ini zaman jang sanget kaloet dan penoeh kagentingan, dimana penoempah darah dan antjeman dari peperangan heibat selaloe berbajang di hadapan mata, ada baek dan berfaedah djikaloe kita-orang toedjoeken perhatlan kita pada itoe peladjaran jang

KENAPA KITA RAJAKENINI HARI WEZAK.

megoendjoek pada manoesia bagimana bisa dapetken katentreman kekel dan kabebasan — kabebasan dari kakoeatiran, kabingoengan, kasedhihan dan kadoeka'an jang menimpah penghidoepan manoesia teroes-me-neroess.

Saja bergirang dan bersoekoer boeat soedara-soedara sekalian poenja kadatengan di ini malem ; atas namanja Batavia Buddhist Association dan Bestuur dari Kwan Im Tong, soedara-soedara, saja hatoenken selamet dateng !

Maskipoen ini pertemoean ada dalem kalangan ketjil jang tida saberapa berarti, tetapi berkoempoelnja orang dari berbagi-bagi bangsa dan golongan boeat merajaken peringetannja itoe Goeroe dari Perdamian dan Katentreman, pastilah ada djoega pengaroehnja boeat merapetken perhoeboengan dari bangsa-bangsa, bikin tambah tersiarnja angen-angen dari persoedara'an dalem doenia, hal mana ada djadi djoega toedjoean dari samoea agama.

Sekarang saja maloemken ini perhimpoenan *soedah diboeka* !

Lebih doe'oe kita hendak djalanken sedikit oepatjara di hadapan altaar dari Buddha, dan siapa jang ingin toeroet ambil bagian boleh masoek ka dalem dan, kaloe soeka, boleh djoega pasang doepa (hio) di hadapan berbagi-bagi altaar dari ini krenteng, menoeroet kabiasaan disini.

Karajaän Wezak di Batavia.

Oleh pakoeemoelan Batavia Buddhist Association
dalem Krenteng Kwan Im Tong pada hari Rebo tang-
gal 3 Mei djam 8½ sore.

Hari Wezak dalem ini taon telah dirajaken oleh Batavia Buddhist Association di krenteng Kwan Im Tong seperti biasa. Sadari djam 4 lohor dalem itoe krenteng soedah dateng beberapa njonja-njonja pembantoe boeat memadjang altaar-altaar dengan boenga-boenga jang orang soembang goena itoe keraja'an, jang sabagian ada terdiri dari bouquet-bouquet, dan sabagian lagi dari boenga-boenga terlepas.

Djam 8 sore tetamoe-tetamoe moelai berkoempoel, dan koetika itoe karaja'an diboeka pada djam 8,30, pekarangan moeka dari itoe krenteng boleh dibilang soedah padet, kabanjakan terdiri dari orang Tionghoa tertjampoer beberapa British-Indier, Indonesier dan sedikit orang Europa. Di itoe sa'at remboelan poernama telah moemboel ka atas langit dengan segala kagoemilangannya, tjoemah sajang sekalih lantaran di itoe malem ada grahana, maka pada djam 10 menjadi goerem.

Itoe karaja'an diboeka oleh Toean Kwee Tek Hoaij, President dari Batavia Buddhist Association, dengan satoe pidato seperti jang ada termoeat di bagian moeka dari ini madjallah. Komoadian diberi kasempatan pada orang-orang jang hadlir aken pasang hlo di hadepan berbagi-bagi altaar menoeroet kabiasaan dalem itoe krenteng, kasempatan mana telah digoenkaken oleh ratqesan orang lelaki dan prampoean. Sasoedahnja selesa, lantes moelai didjalanken oepatjara pada altaar Buddha di roangan dalem dari itoe krenteng.

Lantaran Sienshe Lin Feng Fei, jang biasa pegang pimpinan, soedah meninggal doenia, maka ini kalih diminta bantoean tiga hweshio (bhikkhu Tionghoa) dari Krenteng Lam Hoa Sie di Batavia, jang kepalaain

itoe oepatjara dengen oetjapken mantram berikoet klenengannja menoeroet atoeran Buddhist Tionghoa. Komedian dateng giliran wakil-wakil dari berbagi-bagi bangsa oendjoek hormatnja di hadepan itoe altaar — Toean-toean Chakrabutty, R. Soetardjo, Siauw Tik Kwie, E E. Power dan laen-laen.

Sasoeahnja beres ini oepatjara, baroelah orang banjak balik berkempoel di bagian moeka dari itoe kleneng dimana ada diblikin pidato pidato.

LEZINGNJA NJONJA TJOA HIN HOEIJ.

Lezing pertama ada dibikin oleh Njonja Tjoa Hin Hoeij, jang lebih doeloe toetoerken pertemoeannja dengen Bhikkhu Mahawira di Singapore sedikit boelan berselang, dari siapta ia ada terima, antara laen-laen, satoe bendera Buddhist jang di itoe malem ada dibebèr di hadepan altaar paling depan hingga bisa disaksiken oleh sekalian orang jang hadlir. Itoe bendera, jang memake lima warna — merah, koening, poetih, biroe dan oranje — katanja ada symbool dari berbagi-bagi kasta dari India, jaitoe Brahman, Kshatrija Waishija, Soedra, dan lagi golongan jang tida mempoenjai kasta, jang paling hina dan rendah sendiri, jaitoe jang disseboet Wratija atawa Pariah. Ini lima golongan ada mendjadi satoe dalem Buddhisme, jang tida mengenal tingkat-tingkat deradjat dan tida adaken perbedaan satoe apa. Boleh djadi itoe bendera ada symbool jang kandoeng djoega laen laen artian lagi boeat mana Njonja Tjoa tida sempet tjari taoe.

Menoeroet keterangan jang ia dapet dari Singapore, dan djoega dari soeratnja Bhikkhu Narada, pada saban haru Wezak kaoem Buddhist di Straits, Ceylon dan laen-laen negri jang beräda di bawah pengaroech-nja Buddhist Theravada (Hinayana), orang biasa pasang itoe bendera di masing-masing roemahnja, dan pada waktee sore ada dibikin penerangan dengan

KARAJA'AN WEZAK DI BATAVIA.

gantoeng teng-loleng, seperti djoega karaja'an Tjap-gome, kerna hari Wezak ada hari-raja jang paling besar dari kaoem Buddhist. Djoega itoe hari sengadja dipilih boeat orang lakoeken pakerdja'an amal, seperti membagi makanan dan pakean pada orang miskin, menderma pada roemah roemah sakit, roemah piatoe dan laen-laen pendirian amal.

Antara berbagi-bagi kabiasaan jang dilakoeken pada harian Wezak dalem krenteng-krenteng Buddhist adalah sadjian kembang-kembang di hadepan altaar dari Buddha. Itoe orang-orang jang dateng sembahjang masing-masing bawa sendiri kembangnya — boekan diseroe anterin oleh jongos — haloe ditaro di moeka altaar seperti orang atoer barang makanan di hadepan medja aboe leloehoer, dan samoëa dikerdjaken sendiri. Kita-orang disini, lantaran belon mengarti dan belon biasa samia itoe matjem oepatjara, tentoe sadja banjak bikin kakeliroean dengan tida disengadja; tapi ada baek djikaloe diperhatiken boeat laen kalih.

Komoedjan Njonja Tjoa Hin Hoeij beriken lezing-nja jang berkalimat „Buddha, Goeroe Doenia,” seperti berikoet:

Beberapa abad jang haloe, wakoe doenia masih belon begini toewa, ada terdapat doeë sobat jang menaro soempah satoe sama laen, bahoea marika bersama-sama aken berdaja boeat djadi peneloeng dan bekerdjë goena prikamanoesia'an.

Doeë-doeë ada poenja soemangef dan tenaga besar, berhati moëlia, dan djoega berkasihan. Marika dapat liat bagimana ada banjak sekali orang jang lemah, dan tjoemah inget sadja kapentingan diri sendiri. Oleh sebab itoe djoega marika djadi selaloe merasa tida beroentoeng,

Ini doeë sobat ingin sekali sebar pelajaran tentang Kabeneran, sebab marika insjaf tjoemah dengan itoe djalan orang banjak bisa mendjadi sedar atas kake-

liroeannja, bisa mengarti bagimana moesti toeloeng dirinja, dan tida inget sadja pada kapentingannja diri sendiri.

Itoe waktoe, temponja soedah deket sekalih sampe, aken doenia dapet satoe GOEROE BESAR, dan dji-kaloe marika maoe berdaja dengan sakoeat tenaga, brangkalih satoe antara marika berdoea bisa sam-poernaken dirinja sampe tjotjok boeat pegang itoe kadoedoekan jang sangat penting.

Persedia'an begini tida bisa selesa dalem satoe penghidoepan; iaorang moesti terlahir beberapa kalih dan bekerdja berat boeat terima itoe kawadjiban. Maski adanja begitoe banjak pertjobaan, toch doeab **sobat** jang gagah ini soedah bersedia dalem tempo jang betoel, boeat pegang itoe pakerdja'an Goeroe Doenia; jang satoe sabagi Goeroe, jang laen sabagi pembantoenja. Apakah toean-toean dan njonja-njonja bisa tebak siapa?

Ini doeab **sobat** jang saja toetoerken diatas, ada terkenal dalem hikajat doenia sabagi Gautama, Sang Buddha, dan Jesus Kristus. Bermillioenan orang lelaki, prampoean dan anak-anak, tjinta dan hormatin satoe antara ini doeab goeroe, tapi TIDA ADA jang TJINTA dan hormatin berbareng doeab-doeanja.

Saja sekarang hendak meminta pada Toean dan Njanja jang hadlir disini dalem ini malem boeat ikoetin penoetoeran tentang ini goeroe jang soedah tjotjokin dirinja sendiri boeat mendjadi Goeroe Doenia dengan djalan berdiriken dan toendjang teroes samoea agama jang terbesar dalem ini moeka boemi.

Bebberapa kalih ia terlahir dalem iapoena perdjalan hidoe dan iapoéna sobat jang Moelia dan Boediman selaloe beräda di sabelahnja, itoe sobat jang dalem kalahirannja paling belakang ada terkenal dengan nama Jesus, itoe Kristus.

Bebberapa abad jang laloe Buddha soedah terlahir

di India, dan namanja itoe waktoe ada Wyasa. Ia ingin adjar orang banjak tentang Toehan, siapa poenja kakoeasa'an soedah bikin isinja ini doenia penoeh dengan tjahäja bagoes jang bersinar dalem kita-orang poenja hati.

Dari itoe ia adjar orang banjak boeat ambil tjonto pada Matahari, sabagi symbool dari itoe kakoeasa'an, dan dalem itoe negri jang selaloe terang, pendoe-doeknja senantiasa inget dari adanja itoe Penghi-doepan Soetji, itoe Kagoemilangan, dimana marika hidoepl, seperti djoega kita sekarang berboeat, maski kita sering loepaken itoe.

Lantes beberapa ratoes taon blakangan, Buddha terlahir kombali; ini kalih ia hidoepl di Egypte, dan disana ia adjar orang banjak dengan ambil Penerangan sabagi Symbool.

„Kita hidoepl dalem doenia dari Penerangan,“ ia berkata, „dan itoe Penerangan ada Toehan jang Sabetoelnya.“

Lebih djaoeh ia bilang: „Itoe penerangan ada hidoepl dalem semoea pepoehoenan, karang-karang, dan batoe; kapan satoe orang bisa dapetken itoe Penerangan, ia menjadi satoe dengan Toehan jang Soetji dan Kekel.“

Toean-toean dan Njonja-njonja brangkalih aken merasa ketarik djoega boeat dapet taoe, menoeroet soerat-soeraat jang terdapat dalem koeboeran-koeboeran koeno di Egypte, ada kadapetan beberapa oedjar jang artinja, sasoedahnja disalin oleh achli jang pahamken soerat koeno, mengoendjoek bahoea Radja dari Egypte jang meemerentah di itoe waktoe, tempo mendenger itoe pelajaran dari Goeroe Doenia, lantes pake sabagi motto dari pamerentahannja perkata'an „Follow the Light“ = „Ikoetin itoe Penerangan,“ jang komoe-dian dirobah djadi: „Follow the King“ = „Ikoetin pada Radja.“ Leden dari Round Table Companions

KARAJA'AN WEZAK DI BATAVIA.

dengen tjara demikian djoega ada pake itoe satoe pepatah jang sanget loear biasa sabagi mottonja.

Djikaloe Toean-toean dan Njonja-njonja liat satoe gambar dari satoe tempel bangsa Egyptian, seperti oepamanja jang sekarang terdapat di Karnack, kita nanti bisa taoe bagimana banjak pengaroechnja Bud-dha poenja peladjaran dalem loekisan pilar-pilar dari itoe tempel, jang teratoer demikian roepa sahingga dalem satoe hari jang tentoe satiap taon satqe sinar terang menorot djatoh meliwinthin itoe altaar atawa medja sembahjang.

Peladjaran jang dikasih tentang ini „Penerangan“ ada sanget loear biasa bagoesnya. „Itoe penerangan jang menerangin sasoeatoe manoesia jang terlahir dalem ini doenia,“ jang disebar oleh itoe Goeroe Besar waktoe ia hidoepl di Egypte dahoeloe hari, dimana ia terkenal sabagi HERMES.

Sekalih lagi ia terlahir ka doenia dalem negri Persie koeno, dan itoe waktoe ia pake nama Zoroaster atawa Zarathustra. Njonja Dr. Annie Besant almarhoem soedah toelis banjak keterangan dari atsal moelanja ini agama Persie di djaman doeloe.

Orang banjak dipanggil berkoempoel di sapoeterja satoe boekit, dimana Radja Persie dan pengikoetnja djoega toeroet daieng mendengerin dalem satoe re-rotan jang pandjang sekali, antaranja ada terdapat itoe Goeroe Agaima jang terbesar.

Ia bitjara pada marika tentang itoe Api soetji, satoe tjahaja jang membakar dalem hatinja semoea manoesia, dan bersinar dalem roepanja saantero pepoehoenan, machloek hidoepl, dan kasoetjian jang goemilang dari itoe Api. Kapan chotbahnja soedah selese, dimana semoea orang masih menoenggoe dan mengawasin padanja, itoe Goeroe angkat toengket jang ia pegang dalem tangannya ka djoeroesan Langit, dan dari sitoe dateng satoe tjahaja terang sabagi api jang menoedjoe

ka bawah, memboengkoes badannja itoe Goeroe, dan menoetoepin itoe altaar dimana la berdiri.

Satoe sa'at komoedian ia kaliatan lagi, berdiri distoe dengen tida koerang apa-apa, sedeng di itoe altaar sekarang ada menjalah api berkobar-kobar, dari mana laen-laen api soetji dalem tempel-tempel dinjalahin. Dengen ini tjara, rahajat negri dapat menjataken adanya itoe Api Soetji, dan saban waktoe marika meliat toes api menjalah dalem roemah roemah soetji, marika djadi inget pada soembernja, dan pada DIA jang beriken itoe pada marika.

Sasoedahnja beberapa belas taon mengadjar dan bekerdja boeat roepa-roepa bangsa, datenglah tempo-nja boeat Dia berlaloeh, dan lagi sekali ia panggil semoga rahajat Persie boeat berkoempoel di sapoeter-nja itoe boekit, dan sekalih lagi beriken pada marika iapoenja pelajaran jang goemilang.

Sekalih lagi ia angkat toengketnja ka atas langit, sekali lagi itoe tjahaja dari Api Soetji toeroen dan memoeterin dirinja, tapi ini kalih, tempo orang banjak angkat matanja, dan itoe tjahaja mendjadi koerangan kerasnja, marika liat bahoea Goeroenja soeda tida ada, tinggalken marika seperti djoega Elijah soedah tinggalken Elisha boeat naek ka sorga dalem kreta jang dipoeterin oleh sinar apé.

Dalem ini djaman modern, kita masih bisa dapetken pengikoet dari ini agama jang terbesar di Persia, di antara kaoem Parsi, siapa masih teroes njalahin itoe Api Soetji dalem roemah-roemah krentengnja, dan masih tjoba toeroet itoe kasoetjian dari Penghidoepan seperti jang soedah diadjar oleh Goeroenja pada beberapa poeloch abad jang laloe.

Sasoedahnja Persia, adalah negri Griek Koenjjang djadi tempat dari iapoenja pakerdja'an jang terbesar. Disana ia terkenal sabagi Orpheus. Ini kalih ia adjar KAEILOKAN sabagi symbool dan ia mendidik ma-

KARAJA'AN WEZAK DI BATAVIA.

noesia boeat mengenalin itoe kaeilokan dan oedjar pada orang banjak bagimana Kaeilokan Soetji haroes tertampak dalem doenia.

Sabedoelija kita orang sekarang toean-toean, njonjanjonja dan saja, bisa meliat itoe kaeilokan dimanamana kita menengok. Dalem laoet, di atas langit jang biroe, di goenoeng, oetan, telaga, poehoen-poehoen atawa boengah-boengah, pada itoe samoea boeroeng-boeroeng dan laen binatang, teroetama di dalem diriunja anak-anak, itoe Kasilokan ada keliatan njata. Orpheus goenaken muziek banjak sekali dalem pakerdjanna, mengoempoelin iapoenja moerid-moerid di sapoeterija, dalem oetan oetan, dan kaloe samoea soedah doedoek berkoempoel, ia maenken satoe lagoë dan menjanji goena marika.

Ia pake pékakas muziek jang sedikitpoen tida kalliatan aken bisa memberi lagoe-lagoe merdoeh seperti kadangerannja waktoe dimaenken olehnjia, dan ia menjanji dengen soeara jang begitoe aloës dan mengharoeken hati, sampe bisa membri effect jang besar sekalih terhadep pengrasa'an dan pikiran dari moerid-moeridnja.

Njanjian dari muziek itoe jang bikin moerid-moeridnja seperti tertawa anjoet kepada soeal-soeal haloës jang lebih tinggi, dan mengarti doenia dari kabeneran jang Dia memang ingin marika bisa dapetken.

Muziek sampe di ini djaman masih teroes berpangaroeh terhadep orang poenja pengrasa'an, bikin kita merasa terängkat dari pikiran rendah boeat sampe pada kamoelia'an, maskipoen tjoemah tertjipta dari kapandean manoesia biasa. Tapi toch soedah diakkoein, bahoea achli-achli muziek jang pande sabagi Beethoven dan laen-laen, soedah dapat inspiratie atawa ilham jang Soetji, waktoe ia tjiptaken lagoe-lagoe muziek klassiek jang hidoeper teroes sampe di ini tempo.

Kaloe muziek boeatan manoesia biasa bisa menarik

orang poenja pengrasaan dan pikiran begitoe djaoeħ, apalagi muziek jang terfijpta dari satoe Goeroe Soetji!

Tida heran, dongengan jang toeroen-menoeroen ada bilang, bahoea poehoen-poehoen pada toendoekin oedjoeng tjabangnya boeat dengerin iapoenja njanjian, dan binatang-binatang jang boeas sekalipoen pada dateng berkoempel mendengerin iapoenja soeara.

Maka itoe tida heran dalem banjak abad, negri Griekenland berdiri paling di moeka dari laen-laen bangsa dalem iapoenja kasoeka'an pada Kaeilokan, iapoenja ilmoe Kunst paling termashoer, dan ini bangsa djoega jang pertama dapetken itoe resia dari soeara jang dinamaken HARMONY.

Satoe kalih lagi, kita aken dapet liat pakerdja'annja Buddha, dan ini kalih kombali ia terlahir di INDIA dalem kadoedoekan sabagi satoe Prins, poetra-makota. Dia terdidik oleh papanja boeat mendjadi satoe Radja Besar. Namanja adalah Siddhartha, tapi komoedian ia lebih terkenal sabagi Gautama.

Di India 2500 taon doeloe ada penghidoepan jang paling achir dari ini Goeroe Besar, jang beberapa incarnationja saja baroesan abis tjeritaken. Itoe soedah membikin compleet iapoenja serie penghidoepan, di waktoe mana ia soedah djadi GOEROE PERTAMA dalem soeal Agama dalem ini doenia. Sasoedahnja itoe, ia meninggal doenia, dan pegang pakerdja'an jang lebih tinggi, tentang mana tida ada satoe Manoesia ang bisa dapet taøa atawa pikir; tapi toch ia masih teroes mendjaga pada doenia ini, dan iapoenja berkah aken tinggal selamanya, teroetama dalem beberapa ka'ada'an sawaktoe-waktoe, ia dateng deket sekali pada doenia boeat toeroenin iapoenja berkah kaselamatan. Waktoe begitoe teroetama adalah di malem dari boelan Wezak, kaloe remboelan sedeng boender betoel dan memberi penerangan Soetji pada antero doenia; Iní waktoelah Sang Buddha ambil koetika boeat mem-

KARAJA'AN WEZAK DI BATAVIA.

beri berkah selamet pada antero isinja doenia !

Sebab ini hari, adalah waktoe ia, sabagi Prins Siddhartha, Gotama telah terlahir ka doenia dalem Lumbini Park di Kapilavatthu. Adalah dalem In'i waktoe terang boelan dari boelan Wezak, Bodhisattwa soedah dapat iapoenja Penerangan, (Buddhahood), di bawahnja poehoen Bodhi jang soetji di Buddha-Gaya. Dalem boelan Wezak djoega, waktoe boelan sedeng poernama, harian Wezak, sang Buddha sa'abisnja djalanken kawad-jibannja sabagi satoe GOEROE 45 taon lamanja, meninggalken ini doenia di Kusinara, dalem oesia 80 taon.

Inilah sebabnya harian poernama dari boelan Wezak ada mendjadi peringatan jang sanget penting bagi kaoem Buddhist di sa'antero doenia.

Baik Buddhist atawa boekan, marilah kita orang jang berkoempael disini ini malem, sama-sama Moeliaken Padanja, sama-sama Menghormat pada itoe Goeroe Besar jang soedah memberi pada doenia itoe peladjaran 4 djalan Oetama, 8 djalan Kabeneran jang saderhaña tapi toch dalem artinja,

Barang siapa jang soeka dape taoe lebih djaoeh apa adanja itoe peladjaran diharep soeka dateng disini satiap hari Kemis malem Djoemahat boeat denger lezing-lezing tentang peladjarannja Buddha.

LEZINGNJA TOEAN M. KADIROEN MENGOPENPOERNOMO.

Spreker kadoea ada Toean M. Kadiroen Mengopenpoernomo, jang bitjaraken „Sifatnja daon dan Boenga Trate”, seperti di bawah ini :

Kita meliat boenga trate amat terpake dalem perhiasan satjara Kaboeddha'an. Oepama patoeng-patoeng atawa gambar dari Buddha selaloe berdoedoek atawa mengindjek boenga trate. Apakah sebabnya ?

Sekarang saja maoe tjoba memberi keterangan kenapa dan apa sebabnya itoe poehoen dan boenga

trate dipandang soetji oleh kaoem Buddhist.

Poehoen trate itoe bertoembroe di dalem rawa, jatoe biasanja di tempat-tempat mesoem dan penoeh loempoer, dalem aer kotor jang tida sedep diminoem dan koerang enak baoenja. Iapoenja akar-akar beräda dalem itoe tanah berloempoer jang sanget kotor dan batjin. Bagimanakah ka'ada'annja itoe rawa-rawa tatkala itoe poehoen-poehoen trate belon berboenga? Tida laen, jang terlampak hanja kamesoeman dan kagelapan. Pemandangan di itoe rawa tida menarik hati, tida enak boeat diliat, kerna tida satoe apa jang menjenangken pikiran. Tapi bagimanakah ka'ada'annja itoe rawa-rawa koetika poehoen-poehoen trate soedah menoembroe disitoe serta mengaloearken banjak boenga-boenga? Baoe jang tida enak lantes berubah mendjadi haroem dari sedepnja boenga trate itoe. Pemandangan jang soerem poen bertoeker mendjadi indah, terang dan soedjoek, disebabken oleh warnanja itoe boenga dan aer jang beräda di lembarannja, jang mentjerahken sorotnja matahari hingga beroepa seperti goendoekan moetiara dan inten inten.

Poehoen boenga trate itoe ada ibaratnja manoesia dan itoe rawa-rawa boleh dioepamaken dengen ini boemi. Boenga trate itoe ada ibarat dari orang jang hidoe soetji, soeatoe Adept atawa Nabi, soeatoe Buddha.

Soeatoe Nabi berhidoe boekan di tempat-tempat menjenangken. Nabi Isa, Moesa, Khong Hoe Tjoe, Lao Tze dan Moehammað, dilahirken pada waktoe kakaloetan dan koetika doenia beräda dalem kagelapan. Poen sang Buddha telah meninggalken warisan beroepa tachta karadja'an oentoek dapatken penerangan batin, dan komoedian laloe bawa itoe penerangan jang ia telah dapatken ka tempat-tempat dimana kagelapan meradjalela.

Boenga trate itoe ibaratnja sifat soetji. Biarpoen ia

KARAJA'AN WEZAK DI BATAVIA.

beräda di tengah kaboeroekan, toch tinggal soetji dan bersih, tida ada kakotoran jang melengket kapadanja.. Sabagi tjonto orang bisa liat riwajat Buddha dengen iapoenja ipar bernama Dewadatta jang telah tjoba hendak keniaja pada Sang Buddha, tapi bagimana djoega Dewadatta berboeat, iapoenja oesaha itoe selaloe gagal adanja.

Kita-orang poenja kahidoepan pada waktoe sekarang ini boleh dioepamaken seperti batang boenga trate jang masih beräda dalem loempoer di bawahnya aer jang mesoem. Aken tetapi ingetlah, bahoea hidoepr kita jang nista ini ada waktoenja aken berboenga, aken mendjadi seperti itoe boenga trate. Dari ini loempoer kotor beroepa doenia kasar atawa boemi, kita nanti liwatin itoe aer atawa alam astraal, aken memandjat ka atas, ka alam Boedi, dimana kita nanti terima itoe sinar terang dari matahari, itoe Nirwana. Begitoelah kahendakna peladjaran dari Shakija Muni.

LEZINGNJA TOEAN R. SOEKIRLAN POESPADIBRATA.

Spreker katiga ada Toean R. Soekirlan Poespadi-brata, jang menerangkan azas-azas dari Buddhisme, ringkesna kira-kira seperti dl bawah ini.

Buddha ada saorang biasa, satoe poetra radja, jang pada sabelonnja dapetken penerangan dan mendjadi Buddha ada terkenal dengen nama Siddhartha. Maski hidoepr senang dalem astana dengen mempoenjai istrji jang tjantik dan baek boedi serta satoe poetra jang belon lama terlahir, tapé hatinja tida merasa poeas, kerna ada apa-apa jang membikin pikirannja tida bisa tentrem lantaran meliat kasangsara'an manoesia dan sifat tida kekel dari segala barang doenia. Oleh kerna itoe maka ia ambil poetesan aken lepaskan segala apa dan toentoet kahidoepan sabagi Sanyasi atawa orang-pertapa'an.

Tjara hidoeprna satoe Sanyasi ada berbeda dari kabanjakan orang. Kita poen bisa lepaskan kadoenia-an, tapi biasanja dengen kandoeng harepan nanti bisa dapet kaberoentoengan dan kanikmatan di sorga, maka tida bisa dibilang kita melakoeken pengorbanan. Tapi saorang Sanyasi tida harep apa-apa, lantaran soedah poenjaken penerangan batin jang ia dapat; boekan tjoemah dari kasenangan doenia ia singkirken diri, tapi ia lepaskan djoega segala atoeran sociaal atawa pergaoelan hidoeprna jang berlakoe antara sasama manoesia, dan begitoe poen segala atoeran dan oepatjara agama jang moesti ditoeroet; djoega ia tida inginken kasenangan di sorga, kerna sasoeatoe kainginan ia pandang ada mengiket.

Buddha dapetken pengartiannja boekan dengen bergoeroe atawa beladjar pada laen-laen orang, maskipoen ia perna bikin koendjoengan dan djadi moerid dari beberapa goeroe kabatinan jang paling pande dalem itoe negri. Djoega ia perna bertapa dan lakoeken segala matjem pantangan jang menjiksa diri, tapi kasoe dahannja tida memberi hatsil apa-apa, dan itoe penerangan jang ditjari tida bisa terdapet. Pengabisan, sasoedah djalan mengider beberapa taon lamanja, baroelah ia dapet itoe penerangan, koetika doedoek meditatie di bawah poehoen Bo, jang membikin ia bisa liat dan mengarti dengen djelas pada itoe Dharma atawa Wet Kabeneran.

Itoe penerangan jang ia dapat boekan digoenaken boeat dirinja sendiri, hanja oentoek pri-kamanoesia'an, jaitoe menoeloeng pada sasama manoesia jang berada dalem kagelapan dari awidja, jaitoe kabodoan lantaran tida mengarti. Sasoedahnnja bekerdja boeat mengadjar orang banjak 45 taou lamanja, Buddha masih teroes-ken pakerdja'nnja itoe, biarpoen oesianja soedah toe dan toeboehnja berpenjakitan. Ia tida berentinja djalang mengider dari satoe ka laen negri, sampe achirnja

KARAJA'AN WEZAK DI BATAVIA.

meninggal doenia di tengah perdjalanan koetika oesianja masoek 80 taon. Buddha tida pikirin kapentingan diri sendiri, hanja bekerdja teroes oentoek doenia. Koetika ampir meninggal, Buddha ada beriken pesenan pada Ananda, iapoenja salah-saloe moerid jang paling rapet, katanja: „Ananda, kaloe akoe soedah meninggal, djangan kaoe pikir sekarang kaoe tida mempoenjai goeroe lagi. Peladjaran jang akoe beriken itoelah ada djadi goeroe-moe. Djangan kaoe bersender atawa mengandel pada sang goeroe, hanja pada peladjarannja, jang kaoe haroes lakoeken satiap hari. Djadilah penerangan bagi dirimoe sendiri.”

Bedanja Buddhisme dari laen-laen agama ada begini: kabanjakan Nabi-nabi jang djadi pemimpin dan pengoendjoek djalan, mengakkoe dapat penerangan atawa wahjoe jang berätsal dari Toehan, tetapi dalem Buddhisme itoe penerangan moesti didapat atas ichtiar sendiri.

Dalem peladjaran Buddha paling dioetamaken soeal kasedihan atawa kasangsara'an jang merimpah manoesia, boeat mana ada dioendjoek djalan tjara bagaimana kita-orang haroes terlolos. Lantaran begitoe, ada banjak orang jang anggep Buddhisme bersifat pessimistisch. Inilah ada anggepan keliroe, kerna peladjaran Buddha sabetoelnja tida pandang penghidoep-an dari fihak jang soerem sadja.

Terhadep itoe kasangsara'an ada terdapat ampat matjem sikep jang orang biasa goenaken:

1. Poengkir atawa tida maoe akkoein atas adanja itoe kasangsara'an.

2. Menjerah dan pandang itoe sabagi barang jang tida bisa disingkirken lagi.

3. Pandang itoe sabagi satoe kaperloean aken bikin manoesia djadi mateng.

4. Anggep adanja itoe kasangsara'an sabagi satoe kabaékan.

Buddha bilang, terhadep itoe kasangsara'an manoesia haroes berdaja aken melawan, djangan terima dan menjerah sadja, hanja oesoet sebab-sebab dan lantaranja *kenapa* ia dateng menjerang pada kita. Dengan lakoeken itoe pengoesoetan dan peperekasan orang nanti bisa dapetken penerangan batin seperti jang Buddha sendiri telah poenjaken. Tjaranja boeat dapat itoe penerangan terlebih doeloe orang haroes mengartil baek itoe sebab-sebab dari *kasangsara'an*, jang terdiri dari doeal hal :

1. Kadoekaan atawa kasedihan biasa dateng kapan orang moesti terpisah dari apa jang ia soeka, atawa **jang** ia ingin poenjaken, seperti kakaja'an, orang jang ditjinta, deradjat jang moelia dan laen-laen sabaginja.

2. Kita-orang kandoeng itoe kainginan-kainginan pada barang jang tida kekel, jang gampang terlepas atawa moesna, lantaran dari kita poenja kagelapan atawa kabodoan, jaitoe kita terlipoeet dalem awidja, hingga kita tida taoe sifat jang sabenernja dari itoe **kainginan**. Terdjoeroeng oleh hawa nafsoe kainginan kita djadi bekerdja dan dapetken pengalaman, dan dari itoe pengalaman koetika bergoelet boeat dapat dan poenjaken apa-apa, laloe timboelken kemaroek aken rasain segala apa jang sedep dan enak.

Tapi djarang sekalih ada orang jang insjaf, bahoea **kapan** ia bisa linjapken itoe segala kainginan, hingga tida ketarik lagi oleh itoe samoea barang doenia dengan segala kasenangan dan kasedepannya jang tida kekel, berarti ia aken *terbebas* dari kasedihan dan *sangsara'an*.

Kapan orang soedah mengarti dan selaloe inget, **jang** ini doenia ada terlipoeet oleh kasangsara'an dan kasedihan, baroelah ia bisa *mengenal dirinja sendiri*, dan ini pengenalan pada diri sendiri nanti bangkitken nafsoe aken mentjari kabebasan dari itoe kasangsara'an.

Memang boeat dapat kabebasan tida gampang, ma-

ka terlebih doeoe kita haroes mempoenjai perasa'an *tida poeas*, merasa *tjilaka*, dalem ini penghidoepan, hal mana nanti memaksa pada kita aken memikir lebih loeas soepaja dapat djalan aken terlolos

Orang jang merasa dirinja tjoepet atawa tida poenja pengartian, pastilah achirnya nanti bisa tjari dan tambahan iapoenja kakoerangan; sedeng siapa merasa dirinja tjoekoep plnter achirnya aken mandek. Begitoe poen oepamanja saorang jang gampang merasa poeas dan *girang*, seringkalih djikaloe dapat kaoentoengan f 100 lantes senang hatinya, hingga ja loepa jang ini doenia ada penoeh dengen kasoekeran. Maka itoe ada perloe orang moesti poenjaken itoe perasa'an *tida senang* dan *tida poeas*, sebab inilah jang nanti mendjoeroengken padanja boeat berichtiar teroes sampe bisa dapatken kabebasan, jaitoe *terlepas* dari kasangsara'an dan kasedihan.

Buddhisme tida oetamaken segala ceremonie atawa oepatjaré agama, hanja mengadjar sadja apa jang perloe bagi penghidoepan, dengen kabebasan dari kasangsara'an sabagi toedjoeannja Saorang Buddhist, jang ingin dapat kasampoerna'an hidoe, harces beani djalanken atawa hadepken kasoesahan, tida takoet sama tjalahan dari fihak orang-orang bodo, dan koedoe poenja kemantepan jang tida gampang mengiser; maski kita-orang, boeat kaperloean hidoe sahari-hari, haroes lakoeken apa jang moesti menoeroet kawadjiban sabagi biasanja manoesia, kita selaloe koedoe inget dan djangan lepaskan itoe toedjoean boeat mentjari *penerangan*, boeat mana kita haroes mempoenjai kamaoean jang keras, insjaf pada kabodoan atawa kakoerangan-nja diri sendiri, dan berdaja teroes aken dapatken apa jang kita inginken itoe. Nanti lama-kalama'an, dari pengalaman jang semingkin loeas, kita aken dapat taoe bahoea dalem diri manoesia ada tiga matjem tenaga jang kita haroes atoer dan tilik, jaitoe:

1. Sang PIKIRAN, jang sering bekerdja imenoeroet maoenja sendiri, jang kabanjakan melantoer ka djoeroesan jang tiда di-ingin.

2. Sang TOEBEH jang wateknja pemales, maoe senang dan enak sadja, seperti makan kenjang, banjak mengaso, dan takoet tjape.

3. Sang KAINGINAN, jang tida kenal wates dan tida bisa abis-abis, dapet satoe lantes tambah lagi dengan sapoeloeli jang baroe, jang menimboelken rasa kemarroeck dan bikin kita terdjiret teroes-meneroes.

Ini tiga tenaga jang mendjadi rintangan, kita haroes berdaja aken kendaliken, dan ini bisa disampeken dengan gampang djikaloe kita atoer penghidoepan menoeroet apa jang Buddha oendjoek dalem peladjaran jang dinamain *Ampat Kabeneran Moelia dan Delapan Djalan Oetama*.

LEZINGNJA MR. NANDA LAL PUNJ.

Spreker jang kaämpat ada Mr. Nanda Lal Punj, jang bijaraken soeal „Itoe Ampat Kabeneran Moelia dari Peladjaran Buddha” (The Four Noble Truth of Buddhism) dalem bahasa Inggris, dan disalin ka Melajoe oleh Toean Kwee Tek Hoaij, seperti berikoet:

Adalah Ampat Kabeneran Moelia jang Buddha telah dapetken dengan djalan memikir atawa meditatje jang amat dalem: Itoe ampat Kabeneran beroëpa pengataoean – adanja kasangsara'an, adanja sebab dari kasangsara'an, adanja djalan boeat terbebas dari kasangsara'an, dan adanja kabebasan dari itoe kasangsara'an.

Adalah mendjadi satoe soeal pembitjara'an jang pandjang aken menerangken ini kabeneran dengan djelas satoe per satoe. Sekarang saja maoe tjoba aken terangken sadja dengan ringkes. Paling pertama saja maoe roendingken itoe sebab dari kasangsara'an.

Seloeroeh machloek dalem doenia, tida perdoeli manoesia, binatang, koetoe-koetoe atawa dewa-dewa, ada tertijpta dari doea -matjem tenaga kakoeatan jang

tida bisa terliat, tida ada roepanja dan tida dapat ditimbang berat entengnja. Oleh kerna itoe marika tida bisa diwatesin oleh kaloeasan alam dan bisa beräda di sembarang tempat, di mana-mana.

Sabagi barang hidoe jang digoenaken oentoek mewoedjoetken segala apa dari ini alam marika poenja kakoeasa'an tida bisa mendjadi soeroet. Oleh kerna itoe marika tida dipérwatesin oleh sang tempo, sifatnja kekel, dan tida ada pengabisannya.

Satoe dari ini tenaga-tenaga tida perna berobah. Jang laen bisa berobah hingga beräda dalem berbagi-bagi kadoedoekan dan woedjoet. Tenaga jang tida perna berobah mempoenjai bilit dari *pengataoean*, dan tenaga jang bisa berobah kandoeng bilit dari *kasenangan* dan djoega *kasakitan*.

Itoe tenaga jang tida bisa berobah datem bahasa Hindoe dinamain *Atma*, dan jang bisa berobah diseboet *Prakriti*. Dengan *Atma* saja tida maoe bilang *djiwa* atawa *roh*, hanja saja maksoedken tenaga jang melahirken sari dari pengataoean kapan datengnja ada berhoeboeng dengan laen tenaga, itoe *Prakriti*, dan zonder itoe kita tida bisa mempoenjal pengataoean.

Ini theorie dapet diboektiken kabenerannja menoe-roet wetenschap. Sapandjang pengartian dari wetenschap segala apa jang kita liat ada terdiri dari pertjam-poerannja banjak benda sanget lemboet jang dinamain atoms, dan sasoeatoe atom ada terdiri dari pergaboe-ngannja banjak electron jang ombak-ombaknja tida kaliatan dan meloeloe beroepa tenaga. Oleh kerna itoe maka moesti dianggep bener bahoea segala apa datem ini alam ada tertjipta oleh tenaga-tenaga jang tida kaliatan, jang lantaran tertjampoer dengan berbagi-bagi benda jang berlaenan mendjadi tida bisa tertampak oleh kita.

Itoe tenaga jang diseboet prakriti, jaitoe jang bisa barobah, ada menggenggem tida matjem ombak ge-

teran, jang beroepa sinar terang atawa kabaekan, ombak dari pergerakan, dan ombak-geteran dari kagelapan atawa kadjhahatan. Dalem bahasa Hindoe ini ombak-ombak geteran dinamain *Sato* (*Sattwas*) *Radjo* (*Radjas*) dan *Tamo* (*Tamas*).

Sapandjang pendapetan wetenschap segala benda dan machloek ada mempoenjai tiga sifat — jang memberi penerangan, jang mengandjoerin pergerakan dan jang meroepaken kagelapan. Maka theorie diatas oleh wetenschap dipandang bener.

Itoe pengaroeh atawa tenaga pengandjoer jang mengandoeng kabaekan atawa *Sattwa* ada melahirken kaberoentoengan; jang mengandjoerin pergerakan (*Radjas*) melahirken kainginan, dan jang bersifat *djahat* (*Tamas*) melahirken kasoekeran. Oleh kerma itoe dibilang tenaga dari Prakriti melahirken *kasenangan* dan *kasakitan*.

Kapan itoe tenaga dari Atma moentjoel dengen berhoeboeng pada tenaga dari Prakriti, lantes itoe sari dari pengataoean dan perasa'an boeat senang dan sedih (sakit) djadi tertjipta, dan kita liat satoe pergaboengan dari woedjoetna satoe dewa, satoe manoësia, satoe binatang atawa bangsa koetoe bersajap (insek).

Itoe persatoean terkadang mendatengken kasenangan dan terkadang kasaktian. Djikaloe lantaran kainginanja boeat dapet banjak kasenangan ia lakoeken kakeliroean dan banjak pengaroeh dari *Tamas* mengiket padanja, itoe koetika ia aken rasain banjak kasakitan. Maka itoe dibilang perhoeboengan dari tenaga Atma dan dari Prakrti ada menjadi *sebab* dari kita poenja kesangsara'an.

Saja hendak terangin ini theorie dalem perkata'an dari Buddha sendiri. Satoe tempo ada saorang menanja pada Buddha: „Djikaloe kaœ tida akkoen adanja roh dalem diri manoësia, lantes siapakah jang

bakal menanggoeng boeah dari itoe orang poenja segala perboeatan?"

Buddha menjaoet: „Tjaranja kaoe sendiri madjoe-ken itoe pertanja'an ada keliroe. Saharoesnja kaoe moesti tanja bagimana jang *dirasain* dari itoe kasakanit.”

Ini penjaoetan dari Buddha mengasih oendjoek bahoea boekannja itoe Atman jang menanggoeng kasakanit, dan djoega itoe kasakitan boekan ditanggoeng oleh Prakriti, hanja *pergaboengan* dari ini doe^a itoelah jang menerima itoe kasakitan atawa kasangsara'an.

Sabagi djoega oxygen tida bisa memademken api, dan hydrogen poen begitoe djoega, tetapi pergaboengan dari ini doe^a matjem gas atawa dzat jang moentjoe^a dalem roepa sabagi aer, itoelah jang bisa bikin api djadi padem.

Demikianlah kita poenja kainginan boeat dapat kasenangan dan kita poenja perhoeboengan dengan itoe Prakriti ada mendjadi sebab dari kita poenja kasangsara'an.

Segala machloek dalem ini alam, tida perdoell dewa, manoesia, binatang atawa insek, ada teriket oleh itoe Prakriti, dan dalem semoea machloek ada terdapat djoega getaran pengaroh dari Tamas atawa Kagelapan, maskipoen sabagian machloek ada berdjoeumlah sedikit dan dalem sabagian lagi ada banjak. Lantaran begitoe segala machloek dari satoe ka laen tempo moesti sadja menanggoeng kasakitan, kasedihan atawa kasangsara'an, sedikit atawa poen banjak. Oleh kerna itoe maka ada tjoijok dengan apa jang Buddha namaken sabagi Kabeneran Moelia jang mengoendjoek tentang adanja kasangsara'an.

Dengan lemparkan biar djaoe itoe pengaroh dari Tamas atawa Kagelapan dari sakiter kita dengan menggoenaken Buddha poenja Delapan Djalan Oetama; dan komoedian singkirken lagi itoe pengaroh dari

Sattwa dan Radjas atawa Penerangan dan Pergerakan dengen djalan tida ingin merasain kasenangannya, hingga dengen begitoe dijadi terbebas dari pengaroe-hnya Prakriti,— itoelah ada djalan boeat terbebas dari kasangsara'an.

Satoe machloek jang terbebas betoel betoel dan terpisah dari itoe Prakriti ialah aken terlepas dari kasangsara'an, dan ini kabebasan dinamain Nirwana.

Saja hendak terangin ini hal dengen mengambil perkata'an dari Buddha sendiri jang membilang : „*Raga Kshayo, moha kshayo, dosha kshayo idam wakh-shti nirwanam.*” Artinja : „*Djikaloe kainginan boeat dapetken kasenangan soedah terlinjap, tjintā pada kahidoepan soedah terlinjap, dan segala iketan soedah termoesna, itoelah dinamaken Nirwana.*”

Saja hendak terangken djoega disini, bahoea Nirwana boekan ada satoe matjem *kasenangan* seperti jang dilekiskien tentang sorga dari beberapa agama, hanja satoe *ka'ada'an* jang beroepa *barkah* dan *katentreman kekel*.

PEMBITJARA' ANNJA MR. E. E. POWER.

Spreker kalima dan paling pangabisan ada Mr. E. E. Power, jang membitjaraken „Buddhisme dengan Doenia Zaman Sekarang”, dalem bahasa Belanda, dan disalin ka Melajoe oleh Toean R. Soekirlan Poespadi brata, ringkesnya kira-kira seperti di bawah ini :

Sekalian jang hadlir soedah denger banjak katerangan tentang Buddhisme dari beberapa sprekers laen jang tadi bitjara; kapan saja tambah lebih banjak, aken dijadi roewet dan berat boeat diperhatiken, maka saja hendak bitjara sadja dengen ringkes aken memberi beberapa keterangan jang boekan didapat dari boekoe-boekoe, dan djoega boekan beroepa dongeng-dongengan.

Pertama saja hendak terangken, bahoea Buddhism

KARAJA'AN WEZAK DI BATAVIA.

ada laen dari Brahmanisme atawa Hinduisme. Ada banjak orang jang keliroe dan pandang sama sadja itoe doea agama, jang sabetoelija berbeda'an. Kadoea, saja maoe terangken bahoea Buddhism boekan samatjem agama atawa goddienst jang menjembah Toehan atawa Dewa. Buddhism hanja satoe pengak-koean atas kabitjaksana'ahnja saorang jang soedah poenjaken pengartian sampoerna dan siarken satoe peladjaran tinggi, jang kita haroes mengarti dan mendjalanken menoeroet apa jang dioendjoek. Maka itoe Buddhism ada berbeda dengen segala agama laen jang mana djoega, kerna ia ada terdiri dari peladjaran philosophie kahidoepan jang boekan didapet dari boekoe-boekoe atawa kitab-kitab soetji, hanja dari praktijk, dari pengalaman dalem penghidoepan jang ditoentoet sahari-hari; maka peladjaran Buddha boekan moesti diperhatiken dengen membatja boekoe-boekoe sadja, hanja berbareng koedoe *didjalanken* djoega. Orang jang tjoemah fahamken boeninja kitab-kitab meloeloe tida bisa menarik kafaedahan apa-apa.

Djoega saja maoe bilang disini, bahoea Buddhism boekan samatjem peladjaran oentoek orang banjak saoemoemna jang terdiri dari rombongan besar. Be-toel toedjoeamna oentoek golongan jang banjak, boeat samoëa orang, tetapi bersifat individueel, jaitoe masing-masing haroes *djalanken* dan *berichtiar sendiri*.

Buddha dapet taoe bahoea segala apa, oepamanja kasangsara'an jang menjerang manoesia, ada berätsal dari Karma. Orang-orang jang bikin itoe Karma lan-tes menjadi satoe rombongan besar jang meroepaken rahajat dari satoe negri, jang maski masing masing hidoe terpisah tetapi oleh itoe Karma dibikin mendjadi satoe. Di dalem pergaoelan hidoe masing-masing mendjalanken Karma-nja dan bikin lagi jang baroe, ada jang bersifat baek, ada jang tida baek; dan itoe Karma baroe jang masing-masing orang tjipt-

taken nanti menjérèt pada marika aken saling berte-moe poela di dalem laen kalahiran atawa kahidoepan. Maka itoe dalem Buddhisme tida ada perbaekan boeat rame-rame dalem satoe rombongan besar; tida ada soeal nationaliteit atawa kabangsa'an; hanja masing-masing orang haroes berdaja sendiri aken perbaekin hatinja. Djikaloe ini tindakan dari masing-masing orang sendiri soedah berwoedjoet, jaitoe sasoeatoe orang poenja hati soedah mendjadi baek, tida perloe lagi aken andjöerin orang banjak boeat berlakoe baek, kerna doenia dengen sendirinja aken *djadi baek*. Djadlnja pertjoba'an dari masing-masing orang sendiri boeat perbaekin dirinja *itoelah* ada jang paling perloe, zonder koedoe adakeun organisasi lagi jang toedjoeannja aken bikin baek dan tentrem doenia atawa selametken manoesia. Kapan hatinja masing-masing orang soedah bersih dan bener, segala apa dalam doenia poen djadi bener sendirinja.

Sekarang ini dalem doenia ada diaetoer banjak sekalih organisasi-organisasi jang toedjoeannja aken beriken kaselametan dan kaberoentoengan pada manoesia, tapi tida banjak diperhatiken pada kaboeroekannja batin manoesia, jang djoestroe membuatkin itoe segala pertjoba'an tida mendatengken hatsil. Ini ka'ada'an telah dimengarti oleh Buddha sadari di zaman doeloe.

Itoe pertjoba'an dari orang-orang jang sekarang berkoefetan aken bikin baek doenia saja maoe oepamaken dengen saboeah bola karet jang di-isiken angin tapi tida tjoekoep keras atawa padet hingga sabagian djadi lembek dan penjok seperti telor penjoe. Satoe anak jang memaen sama itoe bola merasa sajang meliat tida boender betoel, maka ia tjoba têkén laen bagian dari itoe bola soepaja jang penjok djadi rata; tapi biar didajaken bagimana djoega, tida bisa djadi boender betoel, sebab di satoe bagian djadi rata, di bagian jang laen lantes *pén jok lagi*. Pertjoba'an dari

itoe berbagi-bagi organisasi jang hendak perbaeki doenia atawa menjelametken manoesia poen begitoe djoega ka'ada'annja, sebab sifatnya ini doenia ada seperti itoe bola jang soedah pènjok tadi, jang selamanja tida bjsa betoel, biar didajaken bagimana djoega, sabagitoe lama manoesia masih belon bikin penoeh-hatinja sama kabaekan dan pri-kabeneran. Tjoemah kapan masing-masing orang soedah bisa berdaja aken perbaeki dirinja sendtri, baroelah itoe bola jang pènjok djadi boender sendiri zonder dioepajaken lagi. Itoe „angin“ jang bakal penoehken itoe bola jang pènjok sampe djadi boender sendiri ada sifat welas-asih, menjinta pada sasamanja. Maka itoe soenggoe sajang sekalih tenaganja orang-orang jang tjoba adakan atoeran-atoeran goena kabaekan manoesia dengan roepa-roepa organisasi, jang tjoemah perhatiken bagian loear sadja, dengan alpaken kaperloean boeat bersihken hati lebih doeloe.

Katanja agama-agama mengadjar manoesia boeat bersihken hati. Itoe peladjaran boeat bikin manoesia mendjadi baek dan soetji ada terdapat djoega dalem agama Islam, Kristen, Hindoe dan banjak laen-laen lagi. Dan brangkalah orang ingin menanja, kenapa saja mendjadi Buddhist, dan tida maoe djadi penganoet dari itoe laen-laen agama. Biarlah sekarang saja kasih keterangan.

Saja mendjadi saorang Buddhist dari sebab dalem Buddhisme ada diberi keterangan djelas dalem segala apa jang berhoeboeng dengan kaperloean hidoepernikoet segala alesan-alesannya. Sasoeatoe kadjadisan dalem kita orang poenja kahidoepan ini oleh Buddhisme ada diberi taoe sebab-sebabnya jang orang bisa pereksa dan selidiki sendiri betoel-tidanja. Laen-laen agama tjoemah bilang dan oelangken apa jang ada diterangin dalem kitab-kitab soetji, sedeng Buddhisme tida soeroe orang maen pertjaja sadja, hanja

haroes djalanin sendiri, *selidikin sendiri*, soepaja bisa kenal dan taoe

Seringkalih orang oetjapken pepatah-pepatah dari kitab kitab soetji jang dipandang memberi kabaekan, dan dengen bisa oetjapken itoe oedjar-oedjar dari Nabi-nabi lantes mengira dirinja soedah djadi baek dan soetji djoega. Sabetoelnja itoe matjem perboeatan boekan sadja meniroe, hanja bikin dirinja mendjadi sebagai boeroeng beo, kerja boekan kaloear dari otak-nja sendiri. Maka itoe ada perloe sekalih orang menimbang dan mentjari taoe segala apa dengen kapan-dean sendiri jang nanti mengadaken perbaekan bagi dirinja.

Sekarang saja maoe terangken nasifnja bangsa Jahoedi di ini masa menoeroet pemandangan dari sihak Buddhist. Kita soedah taoe bagimana itoe bangsa sadari zaman doeloe, kira 2000 taon laloe, sering dimoesoehin dan dibikin soesah oleh laen-laen bangsa, tetapi tida samoeanja dengen berbareng, hanja dalem beberapa tempat sadja, sabentar disini dan sabentar lagi disana. Ini ka'ada'an jang menjedihken berätsal dari tempo doeloe, lantaran itoe orang-orang jang sekarang djadi Jahoedi telah lakoeken apa-apa jang tida bener dan tida adil. Saorang jang doeloe hari berlakoe baek, ia tida nanti terlahir di antara bangsa Jahoedi. Dan itoe orang-orang jang sekarang begitoe keras memoesoehin Jahoedi, dalem laen penghidoepan aken terlahir di antara ini bangsa boeat terima dimoesoehin lagi. Ini Karma bales-membales nanti berdjalan teroes-meneroes sampe marika djadi insjaf dan soeka berentiken itoe kadjelekan.

Maka itoe di dalem ka'ada'an doenia jang kaloet seperti sekarang ini, ada perloe kita orang besarken perasa'an hati boeat *menjinta* satoe pada laen, jang pasti aken memberi kabaekan bagi diri sendiri dan oentoek doenia. Koetika Buddha ditanja bagimana

KARAJA'AN WEZAK DI BATAVIA.

ringkesnja iapoenja peladjaran, ia telah memberi ini
djawaban :

*Mendjaoeken diri dari segala kadjahaton,
Lakoeken apa jang mendatengken kabaekan,
Membersihken kita-orang poenja pikiran.
Inilah ada samea Buddha poenja adjaran.*

PENOETOEPAN.

Kira djam 11 Toean Kwee Tek Hoaij bikin pidato penoetoepan dengan hatoerken terima kasih pada sekalian jang hadlir dengan mengharep soepaja itoe lezing-lezing jang tadi didenger nanti memberi kafadahan, beroepa katentreman dan penerangan, soepaja djikaloe laen taon ini hari Wezak dirajaken lagi, sekalian jang hadlir soedah mengarti lebih banjak atas Buddha poenja pengadjaran.

Maski karaja'an soedah ditoetoep, sabagian dari tetamoe-tetamoe masih berkoempel eken dahat boeboer dalem itoe krenteng sampe djam 12 liwat, dan masleng-masing berangkat poelang dengan merasa girang dan beroentoeng. Koetika itoe orang-orang boebaran, itoe grahana soedah abis, dan sinar remboelan kombali menjorotin moeka beemi.

Karaja'an Wezak di Singapore.

Dari Bhikkhu Narada, jang boeat samentara wakteo ada berdiam di Singapore, Batavia Buddhist Association ada terima satoe circulair jang disiarken oleh Singapore Buddhist Association, dalem mana ada dimoeat programma dari hari peringatan Wezak jang dirajaken pada tanggal 2 Mei. Sabetoelnja boelan poernama terjadi pada tanggal 3 Mei, tapi roepanja lantaran di itoe malem ada grahana (kapangan) maka kaoem Buddhist di Singapore telah madjoeken djadi satoe hari lebih siang.

Itoe circulair ada berboenji begini :

A Happy Vesak to all!

Satoe Wezak jang beroentoeng bagi samoeanja!

Adalah di harian poernama dari boelan Wezak koetika Prins Siddharta Gautama telah terlahir dalem Lumbini Park di Kapilawasthu. Di harian poernama dari boelan Wezak, koetika itoe Bodhisattwa soedah dapetken penerangan (Kaboeda'an) di bawahnja poehoen Bodhi jang soetji di Buddha-gaya. Djoega di harian poernama dari boelan Wezak koetika Buddha, sasoedahnuja menjiarken peladjaran dengen berhatsil boeat 45 taon lamanja, achirnja berlaloe ka Nirwana, dalem oesia tjoekoep toea dari 80 taon.

Oleh kerena itoe, maka ini harian poernama dari boelan Wezak jang mengandoeng kasoetjian berlipet tiga, ada sanget besar artinja bagi kaoem Buddhist di seloeroeh doenia.

Ini taon harian Wezak djatoh tanggal 2 Mei, dan kaoem Buddhist aken rajaken ini hari soetji dengen satjara paling soedjoet dan hormat jang marika bisa.

PROGRAMMA.

1. Djam 6 pagi: kasih naek bendera Buddhist.
2. 6,30 pagi: oetjapken itoe Delapan perdjandjian.
3. 7,00 " Lakoeken Buddhist-Poedja, jaloe dengen sadjiken kembang-kembang dan sabaginja.

KARAJA'AN WEZAK DI SINGAPORE.

4. 9,00. pagi Chotbah oleh Ven. Bhikkhu M. M. Mahaweera.
5. 10,30. " Lakoeken Buddha-Poedja dengan mem-
beri derma pada kaoem Bhikkhu-bhik-
ku dan Upasakas.
6. 2,00 lohor: Pembagian persenan pada anak-anak
dari Sakyamuni School oleh Njonja
Tan Kwie Nio.
7. 2,15. " Peroendingan Agama.
8. 3,00. " Sadjian makanan Wezak pada orang-
orang-orang jang berobat di roemah
sakit lepra.
9. 5,30 sore: Kasih perendoenjoekan dari barang-ba-
rang soetji koeno dan patoeng-patoeng
soetji jang dibawa dari Cambodia
(Oleh Bhikkhu Narada).
10. 6,00. " Oelangin itoe Delapan Perdjandjian,
memasang penerangan dan laen-laen.
11. 7,00. " Pertemoean qemoem di Ramakrishna
Mission Hall, di bawah pimpinan dari
The International Buddhist Union, Si-
ngapore.
12. 8,00 sore: Lakoeken Gilanpasa poedja, dengan
sadijken kembang-kembang dan saba-
ginja.
13. 8,30. " Chotbah oleh Ven, Bhikkhu Narada
Thera.
14. 9,30. " Oetjapken Pirit.

Kita mengondang pada soedara Buddhist, dan se-
gala orang jang merasa setoedjoe, beat bekerdjia
sama-sama dengan kita dan ambil bagian dalem ka-
raja'an di atas.

Djoega dengan girang kita bermoeahoem pada sa-
moea kaoem Buddhist aken kasih naek satoe bendera
Buddhist dan terangken roemah-roemahnja sama api
di ini hari jang menggirangken.

Biarlah samoea machloek ada selamet dan beroentoeng.

S. T. De Silva,
Secretary,
Singapore Buddhist
Association.

Tay Tiang Hoo,
Joint Hon. Secretary,
English Section,
S.B.A.

Soerat-soeratnja Bhikkhu Narada.

Dalem boelan April Bhikkhu Narada Thera soedah doea kalih toelis soerat pada Njonja Tjoa Hin Hoeij, Secretaresse Batavia Buddhist Association. Kita moeat disini bagian jang perloe sadja.

Soerat jang pertama begini boenjinja :

Singapore 10 April 1939.

Dear Mrs. Tjoa,

Ini pagi akoe baroe sadja kombali dari Cambodia dan telah dikasih taoe jang kaoe soedah begitoe baek hati aken dateng disini boeat tjari padakoe. Soeng-goe menjesel jang orang tida kasih taoe padakoe dari kaoe poenja kadatengan lebih doeloe dari ini hari.

Di Cambodia dan Laos akoe telah berdiam lebih lama darl-pada jang dlkira. Pakerdja'ankoe disana telah berhatsil bagoes. Bestuur Fransch, kaoem Karadja'an, dan samoea orang, telah beriken padakoe segala bantoean jang marika bisa, dan akoe rada menjesel moesti tinggalken itoe orang-orang baek. Dalem tempo kira-kira satoe taon lagi akoe diondang boeat bikin laen koendjoengan ka sana.

Akoe boleh djadi aken berdiam kira-kira satoe boelan di Singapore sabelonnja berangkat ka Ceylon.

Djikaloe kaoe ingin akoe dateng di Java, boleh kasih kabar padakoe dengen lekas.

Kaloe soeka tjobalah rajaken pesta Wezak di bawah pimpinan dari pakoempoelan-pakoempoelan Bud-

KARAJA'AN WEZAK DI SINGAPORE.

dhist di soeatoe kota jang penting dan minta kaoem Buddhist aken kasih naek bendara Buddhist dan pada saban roemah dipasang teng-loleng. Adaken djoega pertemoean di saban kota dimana ada berdiri pakoempoelan-pakoempoelan Buddhist dan berikenlah lezing-lezing tentang Buddha. Pakoempoelan-pakoempoelan Theosofie nanti maoe bantoe bekerdja sama-sama dengen kaoe.

With maitri to father and all,
yours in the Dharma,
Narada.

SOERAT KADOEA.

Singapore, 25 April 1939.

Dear Mrs. Tjoa,

Terima kasih boeat kaoe poenja soerat jang manis, dan akoe soedah kasih liat pada Rev. Mahawera dan Mr. Martin.

Djangan kaoe djadi ketjil hati djikaloe laen-laen pakoempoelan tida samboet kaoe poenja seroehan. Itoe menoendjoekken marika belon sedia boeat terima padakoe. Kapan ada kaperloean jang sasoeng-goenja marika nanti bertaoeken padamoe.

Kaoe soedah mempoenjai pakoempoelan di Batavia dan akoe rasa kaoe soedah berdiriken tjabang-tjabang di banjak laen-laen kota. Kaqe boleh landjoelken itoe pakerdja'an dengen satjara saderhana. Dengen perantara'nnja kaoe poenja tijdschriften kaoe bisa siarken itoe Dharma dalem kalangan jang lebih loeas. Tjobalah berdiriken lebih banjak pakoempoelan dalam ampir saban kota jang penting.

Kita rajaken hari kalahiran Buddha disini pada tañggal 2 Mei.

Kaoe boleh tjoba kasih pikiran-pikiran pada samoea kaoem Buddhist aken kasih naek bendera Buddhist

dan pasang teng-loleng di saban roemah aken goena kahormatannja Buddha. Djikaloe ka'ada'an oewang mengidzinken, berilah sidekah Wesak pada orang-orang miskin jang sakit dalem hospitaal-hospitaal. Dalem tempo-tempo jang tjetjok kaoe boleh adaken pertemoean oemoem dan sasoedah lakoeken sembah-jangan dengen pendek kaoe minta beberapa spreker aken berchotbah tentang penghidoepannja Buddha. Leden dari pakoempoelan Theosofie nanti maoe bekerja sama-sama dengen kaoe. Disini kita adaken itoe matjem pertemoean oemoem, dan chotbah-chotbah aken diadaken dalem bahasa Inggris, Sinhalese (Ceylon) dan Tionghoa. Intlah ada boeat pertama kali jang satoe pertemoean oemoem samatjem ini diadaken di Singapore.

Apakah kaoe soedah terima itoe madjallah *Bosat* jang kita terbitken di Ceylon? Akoe soedah minta pada pengeroesnya aken kirim satqe copie boeat kaoe poenja pakoempoelan.

Amat boleh djadi akoe aken berangkat ka Ceylon di tanggal 17 Mei. Oleh kerna akoe diondang boeat dateng kombali di Indo-China maka tiда antara lama akoe aken beräda poela disini.

Mengharep kaoe samoea liwatken hari Wezak jang jaing beroentoeng,

With maitri and Blessing to all,
Narada.

Peraja'an wezak di Tjandi Boroboedoer.

OLEH OEI THIAM AN, GRABAG.

Sebagimana biasa saben taon dalem boelan Mei di waktoe boelan sedeng poernama di Boroboedoer ada dibikin karaja'an Wezak, dan ini kalih jang terdjatoeh pada tanggal 3. Pada itoe sore di Tjandi Mendoet ada berkoempoel banjak orang jang dateng dari laen-laen tempat, antaranja terdapet toean V. Ganswijk jang doeloe tinggal di Djocja tapi sekarang soedah pindah ka Bandoeng, toean Koesoemodihardjo dan toean Lim Tik Liang dari Solo, toean Soejatiman dari Djocja dan lain-lain lagi.

Kira djam 5 sore orang-orang soedah pada berkoempoel samoea, toean Ir. Meertens, jang biasa dateng dari Malang, ini kalih tida terliampak, dan dari toean V. Ganswijk kita dapet taoe bahoea toean terséboet ada halangan dan soedah minta soepaja ia dateng boeat pimpin itoe pertemoean.

Koetika sampe di tjandi Mendoet kira-kira djam 5, kita liat bagian dalem dari itoe tjandi soedah terpasang banjak lilin, sedeng asep dari api pendoepaan jang sanget haroem poen soedah melipoeti itoe roewangan. Roepa roepanja ceremonie soedah dilakoeken lebih doeloe oleh itoe beberapa toean „kaoem dalem” jang sengadja dateng lebih siang.

Memang biasanya kaloe ceremonie sedeng dibikin tida segala orang di-idzinken masoek, apalagi boeat orang jang masih dahar barang berdjiwa, malah bagi orang jang mengarti maski soedah djadi vegetarier tapi kaloe pikirannja masih beloem bersih tida berani sembarang masoek waktoe dibikin oepatjara sembahjangan, sebab pikiran jang kotor mengasih trelling koerang baek boeat itoe tempat jang soetji.

Kira-kira djam 5 lebili sedikit, sasoedah orang-orang pada berkoempoel semoea, di roewangan loear dari itoe tjandi, dibawah dedara terboeka jang seger toean

Ganswijk telah moelai lezingnja dalem bahasa Olanda dimelajoeken satjara ringkes oleh toean Koesoemo-dihardjo seperti di bawah ini:

Soedara-soedara, sebagimana biasa di ini tempat saben taoen dalem boelan Mei ada dibikin pertemoean boeat memperingetken pada sang Buddha poenja tiga kedjadian jang soetji dan loear biasa, jaitoe waktoe Terlahir, dapet Penerangan, dan meninggal-ken ini doenta jang fana, jang semoeanja terdjadi pada boelan Wezak koetika remboelan sedeng poernama.

Iapoënia nama sendiri Prins Sidharta, anaknya Radja Sidhodhana, kepala dari negri Kapilawastoe. Ia masih moeda, sebagimana oemoemna anak radja, ada hidoepe didalem astana jang bagoes, penoeah kaseungan, katjoekoepan dan kaglragan. dengen istri jang setia dan sanget menjinta padanja. Sasoedah masoek oesia 29 taoen Iapoënia pikiran moelai berubah dan merasa tida poeas sama itoe ka'ada'an. Pada soeatoe hari ia minta permisi pada orang toewanja boeat kaloear dari astana aken pasiar. Di sapandjang itoe perdjalanan ia saksiken banjak peniandangan dan kadjadian jang menggontjongken hatinya. Ia dapet liat orang bersangsara kerna miskin dan sakit, orang toewa dengen badan bongkok jang ampir mati dan laen laen kedjadian jang membikin ia moelai insjaf, bahoea penghidoepean dan segala jang tertampak ini tida kekel. Sasampenja di roemah ia laloe pikirin ini hal dan ingin mentjari taoe sebab-seabnja. Begitoelah pada soeatoe hari ia telah ambil poetoesan boeat berlaloe dari astana dan tinggalken Ajah bonda, Istri dan satoe anaknya jang masih ketjil pergi ka hoetan sendirian aken bertapa boeat mentjari penerangan dan kabebasan.

Didalem itoe pertapa'an ia sengadja tida makan dan minoem hingga badannja lemah; di dalem ini

ka'ada'an la merasa bahoea orang tida bisa dapetken penerangan zonder badan jang sehat, maka la soedah robah tjaranja dan hidoeplagi seperti orang biasa. Satoe minggoe kamoedian di dalem meditatatie la telah dapet kainsjafan dan penerangan apa jang mendjadi sebab dan lantarannja hingga orang terlahir teroes meneroes dan selaloe hadepin matjem-matjem gontjangan dan kasangsara'an. La taoe orang selaloe terpoeter didalem itoe tjakra penggilingan kerna katinginan dan perboeatannja jang mendatengken karma (de wet van oorzak en gevolg) hingga ia moesti terlahir teroes-meneroes boeat petik itoe boeah jang soedah ditanem.

Peladjaran dari Sang Buddha — begitoe meneroes-ken toean van Ganswijk — tida menjerah atawa bersendér pada TOEHAN atawa ALLAH; la mengadjar soepaja orang mentjari kainsjafan dan kabebasan di dalem dirinja sendiri, sebab hidoeplja sasoeatoe orang telah dibawa oleh perdjalananja sendiri.

Orang haroes toentoet penghidoeplja di tengah-tengah, artinja tida dojong atawa berat sabelah, sebab segala apa jang meliwatin darł bates reactienja akendjadi sama beratnya. Perasa'an Zelf Zucht (kouwkti) haroes dikoorangken sabisanja, sebab jang diseboet „AKOE” itoe sabetoelnja tida ada, jang dinamaken sang diri hanja perasa'an sadja; semingkin banjak orang kamoekaken sang diri semingkin terdjaoe dari kateetremen. Komoedian spreker tjeritaken ada sa'orang Inggris jang ketemoein satoe Yogi di Hindoestan, ia madjoeken matjem-matjem pertanja'an dengan selaloe seboet-seboet dirinja „akoe,” maoe ini dan itoe „akoe” maoe taoe ini dan itoe, tapi iapoënja matjem-matjem pertanja'an oleh itoe yogi tida didjawab malah selaloe bales ditanja siapa itoe jang diseboet „akoe,” hingga itoe orang Inggris djadi sanget heran dan tida mengarti; ia soedah tjoekoep terpeladjar, tapi dalem

soeal karohanian masih belon mateng.

Buddhisme ada Moreele filosofie, atawa Wetenschap boeat hidoep; kita poenja badan kasar dan badan aloes ada mempoenjain sifat jang berlaenan. Badan kasar selaloe inginken apa-apa jang mengontjangken perasa-an dan sifatnya tida langgeng, dan inilah jang membikin kita terlipoeit oleh matjem-matjem hal dan kadjadian jang menjedihken; semingkin banjak katinginan dan kasenangan jang kita kandoeng dan la-koeken, semingkin banjak djoega kagagal dan ka-soekeran kita aken hadepin.

Sang Buddha telah kasih oendjoek itoe djalanen boeat dapetken kasoenjatan (waarheid) dan kabebasan (bevrijding). Berbeda dengen kita orang, Buddha tida inginken kabesaran, kamentèrèngan, kasenangan, nama termashoer, dan kaberoentoengan jang tida langgêng, sebab tida ada satoe permoela'an dengen zonder ada djoega kasœdahannja. Sabagi gantinja, Sang Buddha mentjari kabebasan dari segala hal jang mendateng-ken karma; ia lepasin dan poetoesin itoe rante jang mengiket dan menarik soepaja tida oesah terlahir feroes-meneroes zonder berentinja, dan tjari penghi-doepan jang tentrem dan langgeng. (Nirwana).

Sampe disini toean van Ganswijk toetoep lezingnja dan persilahken orang-orang jang aken toekoet batja Panchasila masoek ka roeangan dalem. Lilin dan doepa telah ditambah poela hingga membikin itoe tempat jang berhikajat dan soetji kaliatan lebih njata ka'agoengannja; itoe tiga artja besar jang beräda di sitoe, jang saksiken itoe oepatjara, saolah-olah mengasih tenaga dan soemangek didalem itoe roewangan, jang ditarasaken sanget harmonisch dan tentrem se-kalih.

Sa'abisnja batja panchasila orang-orang lantas pada sebarin boengah mawar dan melati dlatas itoe altaar.

(Ada berikoetnja).

Karaja'an Wezak di Bandjarmasin.

Pada tanggal 3 Mei Pakoempoelan Bibliotheek „Kamadjoean Lahir-Batin“ di Bandjarmasin telah adaken pertemoean jang diwatesken tjoemah antara feden dari itoe bibliotheek sendiri boeat peringetken hari Wezak, pada wakoe mana Toean Lie Tjong Tie ada bikin lezing tentang Buddha.

Maskipoen int karaja'an diblikin dengen diam-diam dat saderbana, ada amat besar artinja, kerna itoelah ada boeat pertama kalih di Bandjarmasin — boleh djoega dibilang di Borneo — orang paringetken itoe hari besar dari Buddha.

Kabar dari Batavia Buddhist Association.

Di bawah ini ada programma dari lezing-lezing boeat bagian boelan Juni 1939.

1 dan 15 Juni: Oleh Kwee Tek Hoaij: Buddha poenja Delapan Djalan Octama.

8 das 22 Juni: Oleh R. Soekirian dan R. Soetardjo: Membitjaraken Theosofie, Buddhisme dan Iaen-laen.

30 Juni: Oleh Han Hok Khiana: Pelajaran Khong Kauw.

Lezing-lezing diatoelai djam 8 sore, dan boleh dihadirin oleh segala orang.

Kabar Administratie.

Dengen membilang banjak terima kasih kita soedah trima kiriman oewang boeat membajar abonnement Sam Kauw Gwat Po dasi toean-toean jang terseboet di bawah ini:

Lo Ban Siong f 3,75.

Lo Piet Sian f 1,50.

Liem Ping Gwan f 0,75.

Penerimaan di atas sampa 17 Mei 1939.

Pembajaran jang dirangkep dengen *Moestika Dharma* atawa *Moestika Romans* ada dimaloemken dalam itoe masing-masing maandblad sendiri. Pembajaran jang ditagi dengen postkwitante, agent atawa rekening looper tida dimaloemken.

N.V. BATAVIA BANK

Terdiri 1918
Asemkade 22-23,
Batavia.

Memberi crediet boeat
perdagangan

Trima Giro dan Déposito.